

P R A E F A T I O.

fectam. Ab eo enim tempore quo se homines indocti nobis imae iuuentuti studiosorum opponere cœperunt, non solum amplissimus ille eruditissimorum uirorum cœtus, qui tum erat hic frequentissimus, dissipatus fuit atq; disiectus: sed alij etiam hac fama deterriti, hanc Scholam ueluti neruis suis, honore & virtutum premijs destitutam negligere cœperunt. Honos enim est qui non artes tantum & honestas disciplinas sed virtutum etiam studia alit atque conseruat. Quo amissio, quid est cur quis aut tot labores perferre, aut tot pericula, pro literis, pro virtute, pro Republica & pro Religione subire velit? Verum quod ipsa Academia hanc iacturam tot annos sustinere coacta sit, id ex sola factum putem annualium iactura & rerum ante actarum ignorantia. Magna enim retinendæ æstimationis cuiusq; pars est, nouisse propriæ dignitatis gradū causam, modū atq; finem, Quæ cum exteris hominibus, & maxime illis qui sibi falsam collapsæ nostræ Reipublicæ conceperant opinionem, ignota hucusq; fuerint, mirum non est, si difficile fuit pristinam recuperare dignitatem. Cum autem ex singulari Augustissimorum Principum Cæsaris FER DIN ANDI & MAXIMILIANI Regis munificentia, Scholæ huic celeberrimæ dignitas & authoritas, non tam amissa quam labefactata, non restituta tantum sed aucta etiam sit, atque ita confirmata, ut cum quois Germaniæ Gymnasio, cum doctrinatum eruditissimorum hominum copia non iniuria possit conferri: nec minor sit virtus quam querere parta tueri: turpe sit autem in Magistratu constitutum eius Reipublicæ in qua uersatur, officia, leges, iura & dignitatem ignorare: neque opere magis me pretium, neque hac Academia dignius unquam præstare potuisse existimo, quam si eius authoritatem pristinam non solum à sinistra suspicione vindicem, sed eas etiam excogitem rationes, quibus antiqua eius gloria in omnem posteritatem propagari & immortalitatis laude conseruari queat. Quod me eo siue Catalogo siue Calendario, in quod non viros tantum huius Scholæ

* iii illustres,